

Հաստատված է՝

«Գյումրու Մ. Նալբանդյանի անվան
պետական մանկավարժական ինստիտուտ»

ՊՈԱԿ-ի գիտական խորհրդի

« 19 » հունվարի 2015 թ. նիստում

Խորհրդի նախագահ՝ _____ Վ. Գրիգորյան

ԸՆԹԱՑԱԿԱՐԳ

«ԳՅՈՒՄՐՈՒ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ԻՆՍՏԻՏՈՒՏ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԲԱԿԱԼԱՎՐԻԱՏԻ ԵՎ ՄԱԳԻՍՏՐԱՏՈՒՐԱՅԻ ԿՐԹԱԿԱՆ ԾՐԱԳՐԵՐՈՎ ՍՈՎՈՐՈՂ ՈՒՍԱՆՈՂՆԵՐԻ ԱՎԱՐՏԱԿԱՆ ԱՇԽԱՏԱՆՔՆԵՐԻ ԿԱԶՄԱԿԵՐՊՄԱՆ

1. ԸՆԴՀԱՆՈՒՐ ԴՐՈՒՑԹՆԵՐ

1.1. Ավարտական աշխատանքը բակալավրական կրթական ծրագրի ամփոփիչ ատեստավորման քննության հետ կամընտրական բաղադրիչ է, որի կատարումը ուսանողից պահանջում է գիտելիքների որոշակի պաշար և նպաստում նրա մասնագիտական հմտությունների և կարողությունների, ինքնուրույն աշխատանք կատարելու փորձառության ձևավորմանը:

Ավարտական աշխատանքի պաշտպանությունը շրջանավարտին ազատում է տվյալ առարկայի ամփոփիչ ատեստավորման քննության հանձնումից:

ԳՊՄԻ-ի «Սոցիալական աշխատանք», «Սոցիալական մանկավարժություն», «Լրագրություն», «Կիրառական արվեստ» ՄԿԾ-ներում ավարտական աշխատանքի կատարումը պարտադիր է:

- 1.2. Ավարտական աշխատանքի կատարում թույլատրվում է այն ուսանողներին, որոնց միջին որակական գնահատականը (ՄՈԳ) մասնագիտական առարկաներից գերազանցում է **70 միավորը**:
- 1.3. Մինչև նախապաշտպանությունը ուսանողը կարող է հրաժարվել ավարտական աշխատանքի կատարումից /հատուկ դեպքերում՝ ամբիոնի հիմնավորմամբ / և մասնակցել ամփոփիչ ատեստավորման քննությանը:

2. ԱՎԱՐՏԱԿԱՆ ԱՇԽԱՏԱՆՔԻ ՊԱՏՐԱՍՏՈՒՄԸ, ՔՆՆԱՐԿՈՒՄԸ, ՊԱՇՏՊԱՆՈՒԹՅՈՒՆԸ ԵՎ ԳՆԱՀԱՏՈՒՄԸ

- 2.1. Ավարտական աշխատանքների թեմաները ընտրվում և հաստատվում են մասնագիտական ամբիոնի, ֆակուլտետի խորհրդի, ուսումնամեթոդական վարչության կողմից և ներկայացվում ուսանողներին՝ ծանոթացման:
- Թույլատրելի է տվյալ ամբիոնի տարբեր ուսումնական առարկաների մասնագետների, ինչպես նաև տարբեր ամբիոնների մասնագետների կողմից ավարտական աշխատանքների համատեղ թեմատիկայի մշակումը:
- Թույլատրելի է ուսանողների ակտիվ մասնակցությունը թեմաների առաջարկման ժամանակ:
- 2.2. Ավարտական աշխատանքների թեմաները հաստատվում են մասնագիտական ամբիոնի, ապա համապատասխան ֆակուլտետային խորհրդի նիստում երրորդ կուրսի վերջին՝ ըստ ղեկավար դասախոսների և ուսանողների:
- 2.3. Ուսանողին ամրագրված ավարտական աշխատանքի թեման, իր դիմումի համաձայն, հաստատում է ռեկտորը:
- 2.4. Ավարտական աշխատանքի ղեկավար կարող են նշանակվել համապատասխան մասնագիտական ամբիոնի գիտական աստիճան, կոչում ունեցող դասախոսները, ասպիրանտները, գիտական գործունեություն ծավալող այլ մասնագետներ:
- Ավարտական աշխատանքի ղեկավարի ընտրության հարցում մասնագիտական ամբիոնին հնարավորություն է տրվում համագործակցելու այլ կառույցների հետ:

- 2.5. Մեկ դասախոսին թույլատրվում է տվյալ ուսումնական տարում ղեկավարել ոչ ավելի, քան 2 ավարտական աշխատանք /եթե վերջինս կամընտրական բաղադրիչ է/:
- 2.6. Ուսանողի հետ ղեկավարը կազմում է աշխատանքային պլան և ժամանակացույց, որի համաձայն՝ ուսանողը ուստարվա ընթացքում 3 անգամ՝ եռամսյակը մեկ, հաշվետվություն է տալիս ամբիոնին: Աշխատանքային պլանը հաստատում է ամբիոնը ոչ ուշ, քան սեպտեմբերի վերջին:
- 2.7. Ուսանողին ղեկավարի կողմից տրվում է համապատասխան հիմնական և լրացուցիչ ուսումնական գրականության ցանկը, կազմակերպվում է անհրաժեշտ խորհրդատվություն, ստուգվում աշխատանքի կատարումը՝ ըստ մասերի կամ ամբողջությամբ:
- 2.8. Բուհում կազմակերպվող ուսանողական գիտական նստաշրջանին ցանկալի է ուսանողի մասնակցությունը՝ իր ավարտական աշխատանքի թեմայի որևէ հարցադրումով զեկուցում ընտրելով:
- 2.9. Ավարտական աշխատանքի ծավալը չի սահմանափակվում և պայմանավորված է թեմայի առանձնահատկություններով:
- 2.10. Ուսանողի ստորագրությամբ վավերացված ավարտուն աշխատանքը ներկայացվում է ղեկավարին նախապաշտպանությունից 2 շաբաթ առաջ:
- 2.11. Ավարտական աշխատանքը ղեկավարի գրավոր կարծիքի հետ միասին ներկայացվում է համապատասխան ամբիոն՝ նախապաշտպանության:
- 2.12. Նախապաշտպանության փուլն անցած ավարտական աշխատանքի համար մասնագիտական ամբիոնի կողմից նշանակվում է գրախոս:
- 2.13. Պաշտպանության թույլատրված ավարտական աշխատանքը ամբիոն ներկայացվում է տպագիր և էլեկտրոնային տարբերակներով, գիտական ղեկավարի և պաշտոնական գրախոսի կարծիքներով հրապարակային պաշտպանությունից առնվազն մեկ շաբաթ առաջ:
- 2.14. Ամփոփիչ ատեստավորման հանձնաժողովին ավարտական աշխատանքի բովանդակության ներկայացման համար ուսանողին տրամադրում է մինչև քսան րոպե, առաջադրված հարցերին պատասխանելու համար՝ 5-10 րոպե, գիտական ղեկավարի և պաշտոնական գրախոսի կարծիքների ներկայացման համար՝ 5-10 րոպե:
- 2.15. Պաշտպանությունից հետո ավարտական աշխատանքը պահվում է ամբիոնում 4 տարի ժամկետով, որից հետո՝ արխիվացվում: